


www.BibleForChildren.org




उबजाणनी किताप 6



नुहन घराणान काहणी जी छे। नुह
धरमी माणुस हतलु, ने तीनी टेमे
जत्रा बी माणसे हतला, तीनु माणसे
मां चु ईमानदार हतलु, ने चु
भगवानेन हजरी मां रयून जीवतेलु।



ने भगवान धरती भीणी भाळ्यु, ती
देख्यु की जागे-जागे खुन-खराबु ह्य
रहलु, माणसे पापी ह्य रहला ने
धरती पर माणसे आपणो-आपणो
जीवन बीगाड देदा।



तत्पार भगवान नुह काजे कह्यु, "आखा माणसे धरती पर रीस ने खुन-खराबु कर र्या।" तेरेमां मे तीनु आखा जीवतेला जीव काजे धरती पर सी सार दीस। ने तु गोपेर नावेन झाड़कान लाकड़ान ढंड्यो बणाय ले। तीना ढंड्या मां खुणा बणावजी, ने माहे ने बाहर डमर्ये सी नीप देजी।




"ने ढंड्या काजे असो बणावजी:
चो तीन सोव हात नांबो,
ने पचास हात चवडो,
ने तीस हात उचो हवणु।"




"धरती पर वाळी आखी भातीन
खाणेन चीज तारे वाटे ने
जानवर्या वाटे ढंड्या
मां भर लेजी।"



ने धरती पर जतरा बी जीव-जानवरया छे, तींद्रो एकेक जुड़ो ली आवजी। मतलब एक नर ने एक नारी काजे ढंड्या मां भर लेजी, काहाकी, चे तारे पुठी जीवतेला रहे करीन।




ने तार साते आखी जातीन चुखला जानवर्याम सी
ते तु सात-सात जुडा मतलब नर ने मादा
नेवाडजी: बाकुन जे जानवर्या चुखला नी
हय, तींद्रेम सी दुय-दुय लेजी, ने चे
बी नर ने मादा: ने उपर उडण्या
चिरला मां सी,




... सात-सात जुड़ा मतलब नर ने मादा नेवाड़जी,
काहाकी तींद्रा अगा अवल्यात सींगळीन
आखी धरती पर जीवतेला रवे।





नुहूँ आपसा पुर्या,
आपसी बायर नै उहड़ीसुयाक
लीन बचणे करीन ढंड्याम भरायु।





दुसरा महानान सत्रवे दाहडे, जत्यार
नुहान उमर छव साल ह्य ज्या तीने
दाहडे उंडला दरीयान झीरेन उकाळा
नीकळी ज्या, ने सरगेन पाणी बारना उघडी ज्या।





ने चाळीस दाहडा ने चाळीस रात एक सारकु
धरती पर मुसळ-धार पाणी पडतु रह्यु।



ने पाणी बड़तो-बड़तो धरती बेसको अदुस
हय ज्यो, ती ढंड्यो पाणीन उपर तीरतो
रह्यो।




ने धरती पर पाणी अतरो बड़ ज्यो की धरती परुन उंचा सी उंचा
बयड़ा बी आखा डुब ज्या। जे-जे धरती पर हतला ने जतरा बी तींद्रेम
जीवेन दम हतलु चे आखा मरीन सर ज्या।



भगवान नुहान ने जतरा बी बयडाम रहण्या
जीव-जानवर्या ने घर पाळन्या जीव-जानवर्या
नुह भेळे ढंड्याम हतला तीनु आखाक नी वीसरी
तेरेमां भगवान धरती पर वाहळी छुड्यु ती
पाणी आटणे लाग्यो।





ने जत्यार चाळीस दाहडा ह्य
ज्या ती नुह ढंड्यान खीडकी
उघाड्यु, ने एक कागळाक उडाड
देदु, ने जत्यार लग पाणी धरती
परुन सुक्यो नी तत्यार लग कागळु
अथुन-अथु फीरतु रह्यु। पछेन अळी आपसा
धडे सी एक पेरवा काजे बी उडाडीन
देख्यु की पाणी कम ह्य
ज्यो की नी।



ने दुसरा महानान सत्तावीस तारीक धरती पुरी सुक गुया।
तत्यार भगवान नुह काजे असु कह्यु, "तु आपसा पुर्या,
बायर ने उहडीस काजे लीन भेळात
ढंड्याम सी नीकळी आव।"



तत्पार नुह यहोवा भगवान वाटे एक दगडान चडावान जागु बणायु, ने
आखा चुखला
जानवर्या ने आखा
चुखला चिरला मायून
थुडाक काजे नेवाड्यु ने
मारीन तीना चडावान जागा
पर बाळीन चडावु चडायु।



अळी भगवान कह्यु,
"मे तुंदरे साते ने आखा
जीवतेला जीवे सी जी
बुली करलु, ची बुली
पीडीडीट बणली रवसे; तीना
वायदान सहलाणी जी छे:
मे वादळा मां बाम मेल दम।

जु बाम धरतीन ने मारे
ईचमां जु वायदु हवलु छे,
तेरी सहलाणी रवसे।"



"ने जत्यार मे धरती
पर वादळा फेलाय्स
तत्यार जु बाम देखाव
पडसे। तत्यार मारी जी
बुली तुंदरे ने आखा जीवला
जे डील मां छे तीनु जीवे सी
करलु छे; तीनुक मे हेर करीस,

तत्यार असो मुसळ-धार्यु
पाणी नी पडसे ने चे आखा
जे जीवला छे चे बची जासे।"



तत्पार भगवान नुह ने तेरा
पुर्याक संबरकत आप्यु ने
तीनुक कह्यु, "वेल वदु ने
धरती पर वस जावु।"



नुहान पुर्या जे ढंड्या मां
सी नीकळ्ला चे सेम्यु, हाम ने
येपेत्यु हतला। ने हाम्यु ते कनान्यान
बास हतलु। नुहान तीन पुर्या जेत हतला,
ने हींद्रेत सी धरतीन आखा माणसेन
वेल अध्यु।



काहाकी भगवान ईनी कळीन पापी माणसे काजे
अतरु परम कर्यु, की तेरु एकुत लाटेक्लु पुर्यु
मरने करीन आप देदु, ने जु कुय तेरे पर भुरसु
करे, चु खत्तम नी हवे बाकुन अमर जीवन
हात करसे।



रोमीयो 3:23 हेरेसी की आखान ने आखा पाप कर्या ने भगवानेन
सेक-सींगार सी छेटे ह्य गुया,

रोमीयो 6:23 काहाकी पापेन दाहड़की ते मरनु छे, बाकुन भगवानेन दानेन
वाटु आपणा मालीक ईसु मसी मां जलमेन जीवन छे।

ईब्रानीयो 9:27 जसों माणसे काजे एकुत कावा मरनु ने अळतेन तेरु
नीयाव हवणु जरुडी छे,

ईफीसीयो 2:8,9 काहाकी ईसु पर भुरसु करने सी तेरी गीण-दया सी पापेन
डंड सी आपणुक छुटकारु जड़लु छे। आपणु, जु छुटकारु आपणे जुरे हात नी
कर्या, बाकुन जु छुटकारु भगवान भीणी सी फुकट मांत आपलु दान छे। ने
क्य बी माणुस मटाय नी करनु चाहजे, करीन जु छुटकारु आपणा भला कामे
सी नी जड़्यु।



रोमीयो 10:9,10 की कदी तु तारा मुंहडा सी ईसु काजे मालीक जाणीन हुकारु भरे, ने आपणा मन सी भुरसु करे की भगवान ईसु काजे मरलाम सी जीवाइयु, ती तुसेक छाचलीन छुटकारु जइसे। काहाकी धरम वाटे मन सी भुरसु करनु पड़े, ने छुटकारा वाटे मुंहडा सी हुकारु भरनु पड़े।

युहन्ना 3:16,17 काहाकी भगवान ईनी कळीन पापी माणसे काजे अतरु परम कर्यु, की तेरु एकुत लाटेक्लु पुर्यु मरने करीन आप देदु, ने जु कुय तेरे पर भुरसु करे, चु खत्तम नी हवे बाकुन अमर जीवन हात करसे। भगवान आपसा पुर्या काजे ईनी कळी मां माणसेन नीयाव करीन डंड आप्णेन हुकुम आपजी करीन नी मकल्यु, बाकुन तेरेमां मकल्यु की कळी मायन माणसे हेरे साहरे छुटकारु हात करसे।

1 युहन्ना 5:11-13 ने ची गवाय जी छे, की भगवान हामुक जलमेन जीवाय आपलु छे, ने ज्य जीवाय हेरा पुर्या मां छे। तेरे धड़े पुर्यु छे, तेरे धड़े जीवन छे; ने जेरे धड़े भगवानेन पुर्यु नी हय, हेरे धड़े जीवन बी नी हय। मे तुहुंंक, जे भगवानेन पुर्यान नाव पर भुरसु करो, हेरसी लिख्यु की तुहुंं जाणु की जलमेन जीवन तुंदरु छे।



उबजाणनी किताप 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Bhilali Bible (bhi) ©The Word for the World International and
Bhilali Bhasha Samiti, Warvani, (M.P.) 2025.

<https://www.bible.com/bible/4054/GEN.1.BSP25>

©2026 Bible for Children, Inc.

www.M1914.org

www.bibleforchildren.org

